


湖南府縣志輯

湖南府縣志輯(1)



K296.4
10
2

中國地方志集成

湖南府縣志輯 ③

同治長沙縣志(一)

江蘇古籍出版社●上海書店●巴蜀書社

序

同治六年余奉

簡命來宰長沙值邑中薦紳先生奉上

憲命續修邑乘因與余商榷其事余謂邑之有志猶國之有史也班氏稱子長有良史材不華不俚文直事核志之為書何莫不然夫據拾故實徵

長沙縣志

卷之首序

一

信剖疑匪學不決斧袞筆削彰潛發幽匪識不行難獮繁蕪正言斷辭匪才不濟具此三長志法備矣考漢書自秦分天下為三十六郡始有長沙郡隋大業三年始分長沙縣治由是疆域宏開嶽山屏其南洞庭瀝其北防禦之阻則東南之隩區焉華實之

毛則湖湘之腴壤焉文物聲名洵為諸邑冠軍興以來樹奇功立偉節據忠赴義之士經文緯武之材翼起翩聯後先相望允為首善之區矣第前明邑志不可攷起康熙訖今凡七修其中門例不無異同因時制宜各有所見恭逢我

長沙縣志

卷之首序

二

國家重熙累洽

皇上稽古右文方鎮大吏方將續修通志余雖不敏亦願共贊厥成以仰副朝廷採風問俗之意所幸此邦人士咸相驩浹簿書之暇代為文告通都分曹責效至其參互攷訂讐校成編則諸先生力也余稍閱其書不攘美不

辭費分門則仍其舊輯事則增於前
編人物而忠義特書崇大節也導官
禮而保息分類紀義舉也藝文必已
成之集所以防虛名選舉有等差之
分所以重名器然則是志也豈特備
一方之掌故為往事之明徵而已哉
將使官是土生是邦者稽習俗而資

政教觀紀載而動勸懲於扶世翼教
之道不無小補焉云爾皆同治七年
歲次戊辰季冬月

欽加同知銜調補長沙縣知縣江右劉采
邦謹撰

引

同治四年冬不佞權長沙篆適 大府擬修湖南通志諭令
各郡縣費申舊志并採訪事實申送備錄以歲事將畢未遑
也今春復奉札嚴催不佞因查縣志自嘉慶十五年續修之
後距今近六十年其中時事遞更文物炳蔚理宜及時編輯
乃謀之邑中諸君子謂乘茲採摭續編縣志事甚便諸君子
皆以為然第工鉅費繁必資眾力又奉

旨彙報節孝建立總坊需費亦以千計是皆刻不容緩倘不合并
助集勢必文獻日就淪湮名節無由砥礪斯亦守土者之羞
矣夫一邑之中豈乏慷慨好義之士長沙為一郡領袖素稱
富庶之鄉甲第崢嶸簪纓疊起謁餘貲以襄盛舉尤屬義不
長沙縣志

容辭茲特發給印簿遴選各都士紳按戶量力捐輸想士紳
自當欣然樂從則集腋成裘將數十年未能舉行之事一旦
告厥成功溯已往之儀型備將來之攷索文獻燦然備具節
義并賴昭垂何快如之且事亦在人為耳如書院賓興諸費
均事所宜行如由此而次第行之非徒一邑之幸即不佞亦
與有榮焉是為引

同治五年四月署長沙縣事即補直隸州徐淦謹啟

引

同治乙丑 大府議修省志檄郡縣各賞舊志并續修新志以獻長沙爲湖南州縣之領袖省志之修苟有所書必自長沙始故纂修之役長沙爲尤急焉查縣志續修於嘉慶庚午迄今近六十年其間天文山川疆域田賦物產與夫學校選舉名宦鄉賢凡前志所備載者踵而增之可也惟是兵興以來南楚人材忠憤勃興與宏濟時艱者指不勝屈第恐時移事遷文字無徵故老之傳聞久而愈失其實向之勤勞王事者亦遂有傳有不傳於戲人才之盛半由觀感

國家資其力以爲驅除天下之人豔稱之而邑乘不詳後之生斯土者將何所觀感而興起耶然則續修之謀烏容已哉前長沙縣志卷之首

長沙縣志

卷之首

二

尹皖南徐君重其事與邑紳再三謀未就而瓜期及余蒞茲邑簿書之暇復與諸君子商榷羣以爲事不容緩又值邑有謀建節孝總坊之議於是捐廉爲之倡夫人之欲善誰不如我況長沙爲沃饒區其人類好義而識體要此一役也典章名教之大人風俗觀感之資於是焉寄吾知必切切善舉樂於解囊憐他人之我先者余不敏得藉邑人之力俾數十年之文物與前志所未備凡足爲後世觀法者俱燦然著於志乘使他日省志之修有所憑以爲資而又能以其餘植節義而培風俗是一舉而兩善備焉詎不懿歟是爲引同治丁卯孟春月運同銜卽補知府補用同知署理長沙縣事李惟內謹識

舊序 康熙七年

胡壯生

邑之有志猶夫家有乘國有史所以紀形勝而載方物表賢良而揚風化則一日之事而實千古也余膺

簡命來牧茲土民生休戚地方利害敢不夙夜畱心以副讀書期許之志無奈兵燹之餘兼以水旱頻仍鳩形鵠面慘然心目哀此殘黎幾爲揮賈生之淚繪鄭監之圖矣生聚教訓之未遑何暇他及追憶疇昔承乏甯陽下車伊始吏進邑志猶攜行箚長沙古名邑幅輳寥闊醴陵南鄉瀏陽善化咸其析置之地茶陵諸州縣莫不有志長邑爲郡之首屬賢士大夫領袖他邦志獨未之前聞俾山川人物諸事蹟竟與荒煙蔓草同其湮沒豈非當事者一大缺典乎余五載於茲每爲動念

長沙縣志

卷之首

舊序

一

而不能去諸懷故不愧不敏於政事稍閒時購索遺篇諮訪茂學與邑紳士谷尙江君有落及諸同志者僉謀勦始討論而刪定之幾逾歲月彙集成書分列卷目而事以類附焉雖一時耳目或未得其詳而長邑之形勝方物賢良風化紀而載之表而揚之約略見於斯矣稽風俗而資政教鼓忠孝而勵節義未必無小補云

舊序 康熙二十四年

朱前詒

長爲列屬之首而書缺有間等於寡陋總以邑統於郡不妨從同而例書耳余以爲不然編年紀月詳於魯史而邱費郈蒲諸邑書魯事者不嫌於分註田賦車馬載於晉乘而溫原曲沃諸邑執晉簡者不憚夫更端卽班史地理志所序長沙

一郡綴以十三邑近自羅湘遠逮安成繡錯甚直絲聯繩貫未嘗以郡而該邑也豈以巖巖名區比於漆閭邱之微而漫不見於經傳也哉余承乏茲土謬欲方軌前哲事有難決往往問諸故府則愕不知所對營諸桃源中人不知有漢何知魏晉因歎志者紀事之書也田賦不志何以服先疇之賦畝學校不志何以垂世德之名氏營建不志何以守高曾之規矩其他本末舛逆首尾橫決有難徧以疏舉者何文獻之無微抑至是邪及得近刻一帙受而讀之謀野之獲見於草創而討論修飾潤色尙懸而有待恭逢我

皇上誕敷文德同文之治既洽於方夏徵文之檄不遺乎下邑

聖書遙臨遐邇焜耀其在祝融之國光遠有耀固爲聲教之所先

長沙縣志

卷之首

舊序

二

及而長居孔道輜軒戾止邑乘之修其何敢尙後於他屬哉爰手一編進學博徐君謀之徐謙讓未遑余正告之曰古百國春秋成於外史而後上之內史君楚中名宿備官於斯發倚相之墳典纂屈宋之芳澤外史一簡舍君奚屬徐無以謝因退埽閒軒取前刻而討之論之修之飾之又從而潤色之而康熙六年以後官職選舉財賦兵戎學校公署事涉沿革據實書之期於不誣更期於不遺閱兩月而志已成矣志成後余不佞晝考夕糾將徵信於斯以作夙夜之箴而賦役編定較若畫一賦不苦於悉索役不窮於奔命行將人寫一通懸諸壁牖家絃而戶誦之其裨益不良多乎抑聞之古人有言不習爲吏視已成事又曰前事之不忘後事之師繼自今

往操刀之割展卷而刃可游美錦之製抱牘而緒已錯繭規曹隨未必不有取於斯也敢以是弁諸簡端

舊序

康熙四十二年

王克莊

國史或數百年一修邑志或百年一修志較史爲密從未有數十年內三易其豪屢付剗削者也然而視其時處其地有不吝不修之理亦豈敢憚煩邪余莅長沙五載餘開闢前志有其事爲昔所無今所有者若

御製輝煌訓飭多士

上諭諄切懇至加意楚南與夫學宮之修建公廨碑亭之鼎立是也有其事爲昔所未定今始畫一者若田畝之清丈都甲之區分衛屯之歸併賦役之簡便上不病國下不累民者是也

長沙縣志

卷之首

舊序

三

有其事爲昔之所少今之宜增者若人文之日盛紀載之日繁搜羅之必廣者是也儻失今不修因陋就簡後人從何稽考而徒涸其心目已邪因與學博胡君商之胡君曰然是太之志也由是博採眾論合之時地裁之已心芟其繁冗增所未備閱數月成彙捐俸刊諸黎棗俾垂永久諸凡星野山川官職人物等項未敢減損一字悉仍其舊止訂其亥豕之訛而已惟是學校田畝賦口屯田則悉加釐正煥然改觀至於藝文志內自虞夏及漢唐宋元明凡名賢之詩賦自序有切茲土者亦未敢妄爲削去然自

國朝定鼎以來六十年間文教誕敷人才眾多後來居上不得不爲增入則以時當清晏正講藝之日載之於志以備國史

採擇庶免遺漏之謂云爾蓋國家之事莫大於教養二者子非敢自謂能養且教也第仰體

朝廷德意俾農安隴畝士習絃誦以庶幾無慙厥職今民成務本致田價日增上皆自愛致學業日新視開闢之初繼亂之後殊覺有異則茲志之修維其時矣後之宰斯邑者從而考覈焉其亦有所依據矣因援筆而序其概於此

舊序 乾隆十二年

李大本

自漢儒地理風俗之編成而郡縣之志已肇無論嚴疆小邑罔不詳紀事迹搜羅舊文各成一書以待作史者之採擇論定焉顧時代遷流新故遞續前賢勦始之力與後人補苴之勤其能事益相等然而樸斲勞而丹雘逸踵事增華逸者方

長沙縣志

卷之首

舊序

四

且掩其勞而據之此余於長沙續志之所爲兢兢也前志斷自康熙中祀而止迄今甲癸周而奇矣國家日深淪浹久道化成而又當

聖神英敏四方清晏捧版圖以求隸於大司徒者盡海內外故制撫諸大臣宣布雅化文治聿興使宰士屬吏各出其心力簡搜佚事酌劑時宜以敷陳治典潤色鴻猷煌煌乎甚盛事也余承乏長沙職應爲七十餘城首倡爰受事上臺謀僉紳士取舊乘而津逮之因作而言曰時有今昔治道同揆其所恃以爲徵信者史外爲志志所以輔史而行遠者也大之如輶方正俗可參於禹貢國風而丁庸物產纖悉畢陳亦進與食貨諸篇並垂經世之用然史以綜累朝之典則故例儉而義

嚴志以備一方之紀載大約考星分稽山川往蹟之盛於是乎繫逸節之奇顯秩之炳於是乎傳城池道里祠宇津梁之修廢學校解署防務祀事之沿革於是乎詳民風吏治之登耗煩簡於是乎寓藝林之富於是乎存故例博而義繁於以宏訓保治彰潛發幽此其關要直與國史之修均重焉昔編草創未必失同罕漏而中故多遺佚類如人物湮陳列女闕胥疆域之合圖祀典之簡載不惜拾賸補殘期於完備足協徵信而已耳若夫運會休隆視昔所陳駁駁日盛於賁靈騰祥之區人瑞天休珠聯繡錯者悉揚厲而續志之政猶仍樸斲之規模而丹雘麗之兩不相蒙夫今之視昔勞固均焉其諸攘據之嫌亦既避矣乎後之人傳所志並傳所以志是則

長沙縣志

卷之首

舊序

五

予志之兢兢也夫

舊序 嘉慶十五年

南海

趙文在 綺園

文在宰長沙之四年適

國史館檄取邑乘求諸故府殘脫失次鄉僕士庶咸請述故增新文在白顧不敏不文又長沙者湘中都會所謂宜陽雖縣其實郡也事劇倍支邑辭不敢任鄉先生又曰良於吏者胸中自有全志善爲邑者精神充乎滿縣今公宰吾邑四稔矣昔無久逾此者山川靡不到民之情僞靡不周知所謂胸有全志者非歟其母辭乃復於眾曰昔班伯爲定襄郡郡問伯年少自請治劇畏其作威消伯至請問耆老父祖故人迎延滿堂日爲供具執子孫禮甚恭諸所賓禮乃其諫伯請治

長沙縣志

卷之首

舊序

六

嘉慶二十二年

陳光詔

志乘之書或數十年而一修或遲至百十年而有修有不修

大抵視其時與其人而已長沙縣志前任寧海趙君修於嘉慶十五年越今甫七載而復有續修之舉者先是湘中諸摺紳籲請上臺重修省志蒙准飭所屬府州廳縣悉心採訪並頒發採訪格式通行曉諭在案長沙者湘中都會自宜奉行勤恪以爲七十餘縣先子以菲材尹首邑不敢任尤不敢辭竊以爲省志乃州縣志之統宗而州縣志實爲省志之支派

支派明斯統宗舉則採訪之役當仍自邑志始矣爰文告通衢徧延邑中耆碩取趙前任之成書分曹編續自十五年前趙志之所已登勿復贅也十五年以後趙志之所未備母

或漏也子穀梁子曰聽遠者聞其疾而不聞其舒望遠者察其貌而不察其形今屈指趙君修志以來其時則僅越七年其人則半係熟手而一切續增事實皆得之目見耳聞不致如穀梁子之所慮此豈官斯土者之好博近功亦其時與大適相值而然耳是役也始於今年季夏至仲秋蒞事諸紳士謁予并言簡端余因思續志之所以能詳且速者端由席趙志之成而兼得邑中士大夫之助予旁午公私日不暇給雖時與君子口講指畫敢遽謂與有微勞所幸令不肅而意字費不繁而事集用以備首繁之掌故而卽以供湘南通志之取端應亦上臺所心許也夫

長沙縣志

卷之首

舊小序

七

王克莊

古人讀書左圖而右史史載事圖載形相需爲用者也今邑志史之屬也其中所紀天文則有星躔壤境則有險易城池

官廨學宮則有位置山川則有名勝將使一披覽而瞭如指掌者非圖無徵矣作圖象志

志地理於一邑綦微矣然諸侯實三土地居首封建郡縣雖曰異制而分土以任人畫疆而定治其道一也長邑自漢以來常爲重地國於此郡郡於此治今則開府分藩與鄂並峙蓋洋洋大國之風矣其容略諸故首沿革稽世變也次星野憲天道次疆域尊提封也諸如都甲坊街市鎮風俗物產山川之屬皆豐盈所由徵政教所自考形勝所爲著也此而書之司牧之理於是乎具作地理志

萬志云民勞則難動而物當極蠱則必新二者相值斯經營難焉長邑自通變以來民力可謂極困而諸務無一不蠱前視事之初廳事則僦舍矣學宮則茂草矣城垣則傾圮矣其他大抵皆極敝而待改作者也既無庸可緩其事而又難亟問諸民於是權輕重而前後之捐俸資而倡率之大者如解字學宮雖累既煥然改觀餘亦以次及焉不傷財不害民而役就而功成焉雖不敢侈子來之盛事若東門興役之諸君知免來作營建志

長沙縣志

卷之首

舊小序

八

積邑而鄉積郡而省積省而天下者一邑之積也故安天下之道使邑皆得其官官皆盡其職而無餘事矣商周之前秋官莫考秦以下其制數更然皆有專官焉重民牧也今著歷代官制於前次列牧宰姓氏以及佐貳學職皆與宰共致養之責者也悉書焉後之人將指而歷數之曰某也賢某也能某也無稱焉斯編也其嚴乎予將以自勵而並告後之君子作秩官志

國家大事莫先於田賦田賦不清里胥得以叢奸以致豪強隱占貧懦包賠為害已甚自康熙三十年奉文清丈都甲分晰其實在增損之數較舊志有異至四十年復履畝親勘田畝益為清晰於原額不缺而賦役遂歸畫一今悉依全書作賦役志

國家化民成俗必先興學所謂以道得民也身心倫物士所自修而必聚而肄之於其地蓋藏修游息有專責耳郡城三

學惟長邑學宮燬而遷遷而又毀予既事修葺雖工大未易竟而規模已宏遠矣斯志也白王之秩祀追崇之鴻典配享從祀之名數悉載焉昭其禮也祭器祭品樂舞悉陳焉昭其物也

聖諭

臥碑賢箴憲老之儀悉述焉昭其教也其餘廩餼學田書院之屬或昌所未有與有而久廢者悉具焉存定制寓興復也予不敏得為者不敢不力不及為者亦不敢不志要未敢視講藝為粉飾之具也作學校志

長沙縣志

卷之首

舊小序

九

治民必祀神神所以庇民也故人民社稷古之宰邑者並重焉今三壇之制通於天下而城隍之立受職同於有司益懷柔之義慷慨矣茲志先增建重祈報也次隍祠隆幽贊也附祠一哀死事也二氏之宇暨他神明不列焉非典也邱墓漏澤附焉從陰幽之義也作祀典志

選舉之法以名致實者也名非實也然舍名無所致實也名非實故名重而實有時輕舍名無所致實故實雖有時輕而名終不可廢兩漢取士重辟舉陷唐以後重科目自進士孝廉明經旁及異途所以使天下之士得自致於功名之路者其道益廣然名實之消久矣而千百年終不得廢其法所謂舍名無所致實也長邑自宋元來與選舉之目者若而人固皆以名而存之者也而表表焉德業之行不可磨滅者率由此起覽者因是而興起焉則夫以名致實之道亦不越乎此矣作選舉志

史家循酷傳而志專紀名宦何也史顯行其權者也故備法戒於兩存志隱行其意者也故寓微彰於偏著義各有攸當也且夫既綰綬而君長茲土父母斯民也雖有弗率其忍彰之歟居是邦不非其大夫禮也然名終不得稱焉故志其名者而不名者可知也長邑自漢以來二千餘年矣而長吏之名惟數子者歸然獨存是可感也已作名宦志

流寓者非官非家偶過而暫焉者也然奇人一投蹟而其地千古矣太白夜郎魍魎猶喜其過況文物之域乎星沙名勝地於古名流鉅公適我者多矣彼其至止也或蓄去國懷鄉之思或發探奇覽勝之興或逢握手道故之雅或起投足無門之悲欣戚殊情久暫異時而地則有同榮焉作流寓志

長沙縣志

卷之首

舊小序

十

鄉有賢人馬則過之者企而慕之曰某賢人之所產也居是鄉者亦矜而稱之曰某賢人之所產也蓋人之關乎地也如此長之域山水靈秀鍾而為人率皆魁奇俊偉德業文章前後輝映者指不勝屈也官斯土者能無景行乎哉居是邦而事賢友仁爲同時者言也往者不可作矣從而識其懿行以想見其生平亦猶尚友乎爾至若干城之選高尚之倫巾幗之英皆不可泯滅者並附著以彰其盛焉作人物志

君子語常而不語怪故曰天下豈有仙人又曰眼前望見佛國由斯以論則長生無生直子虛之談耳然而恬淡空寂亦可禁欲因果報應亦可警頑於世教不無微助焉昌黎所謂火其書廬其居者特惡夫爲之徒者假其說以蠹世耳有天

下者不廢其後而使受治焉法斯盡矣然則漢史之列方伎宋世之傳高僧焉可概斥爲妖妄哉作方外志

人情驕則肆懼則斂故春秋書災不書祥義繫乎警戒焉榮惑退舍於宋分祥桑枯死於商廷遇災而懼斯轉妖爲祥之道哉若夫災之成其惟兵乎而未有如明季荼毒之酷者也災之弭其惟惠乎然未有如

本朝賑恤之勤者也類事而書焉以見剝復否泰之理苟上有挽回之善政則災之木當不爲祥也作災異志

志郡國者於藝文率殿焉其以文章爲小技而後之歟非也文章者庶事之紀也天地之幽隲非文不著人事之經常非文不宣賢人君子之表見以及山川風物鳥獸草木之纖悉

長沙縣志

卷之首

舊小序

十一

非文不彰故載筆者於被數者既條析而區分之矣而後乃收之文章以爲全書之菁華俱萃乎此也長沙固文藪也屈子而後其徒宋玉景差以及漢之賈誼鴻篇偉製率於是著而生是鄉以文名世者代不乏人乃明季以來燬於兵火遺編鮮存故舊志所列詩文絕少余殫心蒐輯雖少增益然終不得極大觀而無憾以爲存神龍之首而窺全豹之斑則庶幾焉爾作藝文志

舊小序

乾隆十二年

李大本

昔第五倫爲市掾每讀詔書輒太息曰聖主也一見決已伏讀我

朝

聖諭其於民俗士習

齊應周詳

鴻慈堂治百年之內浩湛汪濊沐浴歌嗚呼仁已豈一郡一邑之志所得私爲紀載顧典謨訓誥下被方州或勒屏壁或鐫紳楔弁之志百輝騰奎翰俾深山窮谷海隅出口蒼生願觀化無疆不亦盛乎志

遼古混沌鳴點古之兆圖象者其河洛乎天垂象地呈形兆圖象者兩儀也仰觀而摹指掌定大境之歷墟璣佈已俯察而繪尺幅有縮地之奇章亥幻已天文也地文也極之人文盡已舊圖若干新圖若干志圖象

長沙縣志

卷之首

舊小序

主

賜田啟邑春秋猶然今安所得百里曰圖邪然熊湘作鎮流峙不改昔何晦今何顯昔何隘今何擴重熙累洽恩波浩也翦草除茅苗裔闢也高高下下壤無隙壤其何適不然志地里

讀定之詩得一言焉門秉心塞淵實也讀秩之詩得一言焉曰續古之人法也讀綿之詩得一言焉曰磬鼓弗勝節也營建之道不節則民勞不法則技淫不實則速朽實以任事法以由節節以息民王道在是已志營建

縣古百里侯也縣有令稱曰父師字曰赤子強教悅安必有道也承武令者也勿曰權輕所居則重也勿曰承負子不負承者伊何人也卑而劇劇也驛也冷而要兩師職也母曰予

卑乘田委吏聖在茲也母曰署冷安定明復古未遠也志秩官

國家減則免荒捐租賜賑之

詔募下已而長沙一邑昔號殷富今傷貧瘠生齒繁歟耗費奢歟

搬運盛歟求其故而不得我爲保障我緇繭絲我勞撫字我拙催科賦役之宜罔軼也視此志志賦役

古者教有專職無人不教也學有異地無地不教也人無異

學無人不學也今之學官學宮弟子員猶古意邪過其宮其

宮高邪美邪富邪服其官其勸之董之戒之俾勿壞邪習爲

弟子員其敦敏不懈邪願與諸君子飭其官崇其地勉其學

而已志學校

長沙縣志

卷之首

舊小序

主

昭不崇河聖人遽之而顧謂楚人祲邪若乃九歌九章楚靈致其某忱黃陵夜禱唐賢獲其休廕赫赫明神庇茲四域久已沉夫沈也瘞也壇也坎也祈而報也皆有功德於民者也聖人明命鬼神而白眾以畏萬民以服司茲土者職在封疆其不爲一人禱明已而敢曠諸志祀典

貢院湖南省志也吾惡乎志會城有首縣曰長沙貢院在其

轄內吾惡乎不志志

宸翰大王言也志源流不忘始也志形制貽典則也志事宜肅官

箴也志中額徵文教也亦曰此其大略云爾志貢院

水園折而珠輝淵方旋而玉潤惟楚有材在野野重在朝朝

隆或曰才難三代之盛豈其借材異代千里一聖百里一賢

此肩接踵固知求容澤於巒岩終歲不獲求諸沮洳之藪連
穀而返生清慧之鄉際文明之運策名天府倍蓰在昔盛有
由也志選舉

天人之應昭昭矣春秋二百四十年災異疊書聖人其有憂
患乎彼博物君子或以爲焉知天道而執拗者至謂不足畏
抑何刺謬若此也詩思云漢易曰君子恐懼修省蓋言謹也
大嘉不寧是同

國家之瑞而水旱偶及捐賑頻仍維

皇盛德昌管諱茲渺爾長邑三十四年所見所聞核實書之不猶

見觀氛察變之遺意乎志災祥

賈歎卑溼杜嗟清絕長沙幾成畏鄉已彼懷輒俗薄回車解

長沙縣志

卷之首

舊小序

五

組世或有之若夫通志所謂湘川之奧人豐土闢宋書稱瀟
湘有洙泗風如之何誅我黔赤也況繙譯列史湘中豈乏循
良求諸邑志治績卓卓代亦聞見懷綬戾止者行白勵耳志
名宦

長沙人才數舊志備矣予每溯洄焉繼起者卓卓在人耳目
間表彰之責予焉敢辭雖然志史之流也纂難已試與展卷
孰爲義秉天經孰爲績著霄壤孰爲嶽嶽懷方孰爲桓桓武
緯孰爲泃泃林泉外此者甯慎毋濫志人物

魚軒翟茀之賢尚矣華門圭竇之人其忍沒乎或成仁取義
於須臾或集荼如蓼於畢世我爲正凡肅襟浣微拂紙而思
慷慨者思其決不再計之慘從容者思其長日如年之悲烈

血淩魂殷般筆端矣志列女
軫壽星也衡壽嶽也戴員履方者率鍾其氣而壽然兵荒之
餘天厲瘳札往往而有今

國家百有餘祀金革罕見上有壽考作人之

天子卽下有黃耄台背之耆英必曰揖木公拜金母誕已志耆壽
彼遊方外者也人其人火其書志於何有然軒輶彌明大顛
之屬往往見於韓文勤上人於歐陽子且若有生死之契亦
顧其行義文章何如天竺老僧雪衣和尚忠臣義士有託而
逃吾悲其志吾志其蹟耳志方外

長沙縣志

卷之首

舊小序

五

情舊志謂無萬金之家而劉禹錫云往往清慧而能文嗟嗟
多文以爲富楚之得所寶也久已志藝文

荒阡斷隴銷幾英雄骨骸蠹殘蟬蛻蝕幾芳徽姓字此挑燈
展卷氣短千秋也達者或欲逃之予顧欲補之顧不達乎痛
哭古賢聞贈後哲後之讀斯志者諒有同心乎志補正

或曰子之於學耳治乎目治乎或曰事不目見耳聞而以臆
斷可乎夫齊諧諸皋西陽雜俎誕不足稽固已然載籍極博
經史而外諸子百家錯雜成章斷簡蠹篇綴拾成文苟有裨
於斯土事異耳食俾得寓目焉斷章有取維心裁可也志志
遺

舊志凡例 嘉慶十五年

邑志初修於康熙七年再修於康熙二十四年三修於康熙四十二年皆援據舊志增入時事以成書惟乾隆十二年四修原志仍舊另撰續志新舊似成兩轍茲纂爲一書並參稽湖南通志長沙府志確查文案卷宗斷者連之漏者補之訛者正之顛倒者次序之乾隆十二年以後應嗣入者續之義例畫一期於不濫不遺俾閱者因端即可竟委云

一舊志

繪章及奏議編入藝文續志則倣湖廣通志長沙府志體例卷首

恭載

皇言竊惟

聖謨洋洋廣大悉備彙爲一卷似非比事屬詞之例謹就各門類

長沙縣志卷之首

舊凡例

夫

欽奉

上諭依次恭載尊

聖制也他如文人論說有與本事相發明者依類分附焉

前志斷自乾隆十二年止於

高宗純皇帝廟諱

今上御名及各應避字樣未經奉文敬避今志悉以音同字異者

代之

一前志遺漏之處世遠年湮無從採輯乾隆三十六年科房破莫文卷亦殘缺失次第就所有者考訂補載所無者缺之一志之有序自應弁首舊志編原序於藝文茲將原序暨修輯姓氏臚列簡端俾當年首事襄事諸人苦衷共揭云

凡志監本舊牒標舊志以別之此通例也今重加蒐輯節冗補漏不欲逐處標別以致隔斷文義惟於舊志輯論及通志府志諸書則於發端注明原書之目

舊志分十四門續志分十九門其開牽合附載不倣

繪章編入藝文也他如兵制屬營建

褒封坊表屬學校家墓屬祀典之類逐一改正定二十八門爲綱

附入分注爲目事從其倫言各有體非好爲更張也

舊志以軫宿文廟名山各圖彙爲首卷續志以疆域城池

萬壽宮及廟貞院各圖彙爲二卷似圖自爲圖志自爲志不相聯

屬且禮器樂器陳設舞佾諸大典缺焉未載非所以昭明備

也茲志於各門各繪圖象於前綴源流於後閱者當不嫌雜

長沙縣志卷之首

舊凡例

七

齊云

一舊志首沿革而次星野今首星野次沿革天先乎地之義

也至疆域首重城池證古知今則古城考附載焉其環境四

至八到及市鎮鄉都悉註明距縣里數俾遠近得以瞭然

一各門有添改者如職官裁驛丞改巡檢賦役添津貼祀

添文昌呂祖昭忠及添建普濟堂社倉義渡勘准圍堤堤埂

事取其備不嫌詳也

一山川古蹟名臣冢墓謹依一統志參以水經注方輿紀略

通志府志及鐘銘石碣所載者補訂之

一縣署修建源流紀載從詳其所屬署附之上憲文武各

署有不在縣屬境內者悉志之以備會城體制

一賦役有定制地丁漕糧雜稅鹽法錢法等項遵照奏銷部冊開註他如普濟堂育嬰堂養濟院皆養民善政附賦役之後

一典禮秩祀例分二門如慶賀釋菜鄉試講約迎春鄉飲皆禮之鉅者秩祀則恪遵 禮部核定各祠廟建置始末附焉惟 文廟崇聖祠源流首載學校而陳設儀注樂章樂舞仍列秩祀庶與 部頒不悖非歧出也

本朝改鎮爲協巡撫移鎮長沙添設撫標備列營制水陸塘汛驛站夫馬鋪遞兵丁軍器庫火藥局救火器具凡所以預備不虞者無不周至閱之可知戎政之善

長沙縣志 卷之首

舊凡例

文

一風俗爲民情所見端從實類紀書其美而不隱其陋土物亦就長沙所有志之有裨食用者從詳無裨食用者從略

一人物一門其原經題請入祀者備登他如鄉評允當學問人品足爲矜式雖未祠祀而入志者按時代先後次第附紀至數十年來名卿碩彥必查核真贗據事直書恪遵論定蓋棺歿而祭社之義除生存者不立傳外卽已歿者或呈吏議或革衣頂或前志四修均未載入今無文案可稽者雖據呈請亦概不列傳

一列女舊志已登者悉按世次編纂乾隆十二年以後應嗣增者謹照例載節婦不論妻妾自三十歲以前守節至五十歲或年末五十而身故守節已及十五年果係孝義兼全陞

窮艱憫俱准

旌表故於年例已符者無論存歿均可備書事實以示風勵或該氏尙存年例將符亦列其名以著善善從長之意若於年例不符及無例可援者概不准入

一壽民壽婦

恩詔有建坊鄉里者有給予頂帶者有旌賞題額者彙爲一門至五世同堂一產三男皆昇平人瑞也亦附志之

一舊志載兵難於祥異之後

國家承平日久吏胥相習不復知有兵事無可續亦毋容刪也故存之

一藝文非獨以其文亦以表其人紀其事必作者人已歿並

長沙縣志 卷之首

舊凡例

文

有關於本邑山川風土而後載之故詳加別擇依類分附其餘著作先後接踵舊者存之新者增之彙爲一卷頗示矜慎不敢濫登

一志卽史也期垂久遠故雖大吏亦直稱官稱名以符史體

一乾隆十二年續志立志遺一門以補康熙四十二年舊志

所未載今已歸入正志卽裨官野錄有爲正志所不及載者

並採而輯之以資博考云

志約四條 嘉慶十五年

一採訪宜實也夫志卽史也昔陳壽索米立佳傳魏收受金滅惡迹世號穢史設蹈此病其書可燒也幸曰知縣豈能盡知公而不明不敢辭咎明而不公諸君亦與有責焉韓退之

辭不爲史謂懼有陰譴益恐褒貶不直也子曰予所否者天

門類宜精也查原志

皇言及奏議及告示及信志序與藝文混爲一
綸綍豈云藝哉分合既紊體例遂乖今宜逐類正之

一書宜集其成也記門史記採世本國語國策而自成一家
言唐書雖有新舊究竟各成完書後世讀二書者若不知其
有所本也者蓋融會之力也查續志凡原志所詳者則續概
從略自謂異乎竊服注攘化書之陋不知譬之於人肢體不
完豈得爲全人乎今茲所修雖曰增新並欲合舊使讀者得
窺全豹其有原本舊文者於每事發端注明原書之目庶無

長沙縣志卷之首

舊志約

辛

欠事亦無掠美焉

一採訪雖實選擇尤宜慎也除科目銓選宦績等類悉有文
案可稽且亦無所容其欺飾不論外至若人物不外文行二
端行如列女一項其有節孝卓然可稱者自宜別爲立傳以
光潛德他若僅符年例無咎無譽不容刪亦未可與事實顯
著者同日而語附諸其後以示矜慎文則古人傑作固宜採
入然苟於茲已無涉者不必牽合濫登近人著述日新亦宜
搜輯第其人尙存則概不入選蓋文亦如行必益棺論定且
以杜爭端也果有不磨焉知來者之不如今也毋甯割愛

凡例

一邑志初修於康熙七年再修於康熙二十四年三修於康
熙四十二年卷不及十四修於乾隆十二年卷十有二十五修
於嘉慶十五年彙成未付梓至二十二年又續修卷二十有
八如數分門搜羅寧故規例纂詳今七次續修凡例小序均
仍舊志惟增舊志未有者二門共三十門舊志各門亦微有
斟酌刪改者詳後各條

一舊志無忠義一類自咸豐以來粵匪倡亂楚軍首立戰功
捐軀殉難者指不勝屈業經各紳奉委撰忠錄以備

國史採擇今查照忠錄摘取邑人之沒於王事者紀之立忠

義一類

長沙縣志卷之首

凡例

一

一舊志附普濟堂育嬰堂并本邑養濟院於賦役之後門類
似不相屬近年添置同善堂兼善堂接嬰局保節全節堂保
節堂卸無告堂義舉更多自應於賦役門外分類標目周禮
以保息六安萬民大要在於養老疾恤孤弱拯貧乏所有新
舊各堂皆其遺意立保息一類

一職官名宦選舉人物列女各門皆憑各都採訪冊續入其
他續增者如學校增從祀增學額增試卷公局津梁增駱駝
諸福興渡積貯增儲備倉各都積穀兵防增鄉城各團災異
增捕蝗法焙穀法之類皆是

一有續纂而少從節刪者如星野門刪繁複十數條沿革門
刪洪荒以前斷自唐虞始風土門刪本草繁文藝文門於古

賢名作天下公共誦讀之文概從割愛以省卷帙

一有續纂而稍加改易者如星野門軫星圖山川門各圖俱多改繪賦役門因舊志款目參錯今遵賦役全書逐項標明以便省覽

一舊志藝文門取邑中耆宿詩文各體聯篇採錄邇來人文日盛著述等身者所在多有除舊志已錄不刪外近五六十年中已故宿儒著作經採訪取成書送局查驗亦第紀其集名卷數

一舊志人物必已故者然後入志 封典祇載命夫例貞惟由康增附報捐者列名今悉遵之

一舊志人物無可刪改概列於前凡續入者除業奉部文人

長沙縣志

卷之首

凡例

二

祀鄉賢數人外其他無論已仕未仕或才德兼優或行堪節取但憑採訪冊原稟旁採月旦之評分別立傳其未曾送冊或送而未詳詳而不實者不備載

一舊志耆壽以年登八十者為始續志以八十五歲為始採訪冊自事實者立傳無事實者標名從百餘歲至八十五歲人數倍多於舊中有夫婦雙壽及五代同堂者先為類敘其多壽萃於一門而有年不及八十五者開亦帶書

一舊志積貯門在官者有常平倉穀在民者有各甲社穀數目多少有縣署倉書案可稽近年城內又添儲備倉穀各鄉添民捐積穀均經各署存案現除儲備倉實存穀四萬石外常平倉穀及各鄉積穀數目照邑署倉書案錄之社穀照舊

志書之虛實難稽始有原數

一舊志選舉門備載大小職銜或豐軍興以來科目之外捐輸議敘甚夥難保無異籍混人續志惟實銜備登虛銜京職載至七品止外官文職武職均載至六品止封典必送語軸及部照來局查明品級然後登志其未送驗者未便備載或有異籍及一切違礙混入日後查出不得藉人志為憑

長沙縣志

卷之首

凡例

三

修輯姓氏		倡修	即補直隸州署長沙縣事徐淦	運同銜即補知府補用同知署長沙縣事李惟丙	主修	同知銜調補長沙縣知縣劉采邦	接修	運同銜署長沙縣事陶燮咸	知府銜衡州府通判署長沙縣事潘清	知府銜即補直隸州署長沙縣事王述恩	協修	長沙縣志		卷之首	修輯姓氏	一	長沙縣教諭劉乙燃	長沙縣訓導周政和	監修	內閣學士兼禮部侍郎前任浙江學政周玉麒	運同銜前任江西南豐縣知縣易卓	候補選通判舉人彭申甫	五品銜候選訓導康阜	署未陽訓導廣西柳州經歷廩貢生劉攀桂	增纂修	貢生周紹芳	增貢生張延珂
------	--	----	--------------	---------------------	----	---------------	----	-------------	-----------------	------------------	----	------	--	-----	------	---	----------	----------	----	--------------------	----------------	------------	-----------	-------------------	-----	-------	--------

孝廉		方	正張華理	生蕭瑞廣	員袁繼翰	分校	五品銜候選訓導廩生余世謨	總寫繪圖	監寫	生周召棠	監寫	生尹明楷	主簿	楊瑞麟	生吳應璜	長沙縣志		卷之首	修輯姓氏	二	袁世瑞	原修輯姓氏	康熙七年主修	長沙縣知縣胡壯生	協修	生江有溶	康熙二十四年主修	長沙縣知縣朱前詒	協修	長沙縣教諭徐則論	康熙四十二年主修
----	--	---	------	------	------	----	--------------	------	----	------	----	------	----	-----	------	------	--	-----	------	---	-----	-------	--------	----------	----	------	----------	----------	----	----------	----------